

# Woh Bhuli Daastan Lyrics

---

## English

Woh bhuli daastan  
Lo phir yaad aa gayi  
Woh bhuli daastan  
Lo phir yaad aa gayi  
Nazar ke saamne  
Ghata si chhaa gayi  
Nazar ke saamne  
Ghata si chhaa gayi  
Woh bhuli daastan  
Lo phir yaad aa gayi

Kahaan se phir chale aaye  
Yeh kuchh bhatake hue saaye  
Yeh kuchh bhule hue nagame  
Jo mere pyaar ne gaaye  
Yeh kuchh bikhari hui yaade  
Yeh kuchh tute hue nagame  
Paraaye ho gaye to kyaa  
Kabhi ye bhi to the apane  
Na jaane inase kyo milakar  
Nazar sharmaa gayi  
Woh bhuli daastan  
Lo phir yaad aa gayi

Ummido ke hansa mele  
Tamannaao ke wo rele  
Nigaaho ne nigaaho se  
Ajab kuchh khel se khele  
Havaa me zulf laharaai  
Nazar pe bekhudi chhaai  
Khule the dil ke darwaaze  
Muhabbat bhi chali aai  
Tamannaao ki duniyaa par  
Javaani chhaa gayi  
Woh bhuli daastan

Lo phir yaad aa gayi

Bade ragin zamane the  
Taraane hi taraane the  
Magar ab puchhataa hai dil  
Woh din the yaa fasaane the  
Faqat ik yaad hai baaki  
Bas ik fariyaad hai baaki  
Woh khushiyaan lut gayi lekin  
Dile barabaad hai baaki  
Kahaan thi zindagi meri  
Kahaan par aa gayi  
Woh bhuli daastan  
Lo phir yaad aa gayi  
Lyricsbogie.com  
Woh bhuli daastan  
Lo phir yaad aa gayi  
Nazar ke saamne  
Ghata si chhaa gayi  
Nazar ke saamne  
Ghata si chhaa gayi  
Woh bhuli daastan  
Lo phir yaad aa gayi.

More Lyrics from [Sanjog](#)